

44

# D V C E N T A E

THESES PHILOSOPHICÆ

DE

## TRIPLICI IMPVLSV.

Quas

*IN CATHOLICA ET ELECTORALI  
Vniuersitate Ingolstadiensi*

P R Æ S I D E

N I C O L A O W Y S I N G

SOCIETATIS IESV PHILOSOPHIÆ  
PROFESSORE ORDINARIO.

*NOBILIS ET DOCTISSIMVS DOMINVS*

C A S P A R V S L E O P O L D V S

G E B A V E R V V R A T I S L A V I E N S I S S I -  
L E S I V S L L. ET M E T A P H Y S I C Æ

S T V D I O S V S

*Publicè propugnaturus proposuit*

A N N O

ab Vbi Del In Vtero pVrlslMæ Vrlglnls genltrlClis. (1631).+

*Ad Diem*

*Mensis Maij.*

INGOLSTADII, Ex Typographico GREGORII HÆNLIN



1102

REVERENDISSIMO AC PERILLVSTRI  
DOMINO, DOMINO

PETRO GEBAYER  
A DYRGAY

SAC: CÆS: MAIEST: CONSILIARIO,  
CATHEDRALIS ECCLESIAE AD S. IOANNEM  
WRATISLAVIAE CANONICO, SENIORI, ET ARCHIDIACONO,  
Episcopatus Wratislaviensis Administratori, & ibidem  
Episcopalis Curiae Praefecto dignissimo, Domino  
Patrono & Agnato suo obseruandissimo.



*Riplex me nunc Impulsus feliciter ra-  
pit, & ad Te Centrum meum, Reuerendissime &  
Perillustri Domine Patrono & Agnate, nō ex-  
orbitante tramite, ut in proiectis accidit, sed rectis-  
simā dirigit viā; non violento impetu repugnantem;  
sed ultro sequentem; non ad infera; id enim Vestra Celsitudo ve-  
nit; sed ad honoratas, semperq; patulas manus tuas, quas nec ipsa, si ad  
Te veniat, paupertas contrahat, quas omnis, si videat, chiragra fu-  
giat; ut dubitandum non sit, quin Tibi semper facultas impellendi  
mei & expedita manus, quoad viues, futura; meus verò is animus,  
quem benefaciendo etiam tuum fecisti, nonnisi ad sublimia, vel,  
quod idem est, Tui similia semper aspiraturus sit. Jam dudum enim  
didici, mouente Te ac impellente, Haretica illius Hydra, repen-  
tis iam humi, tenaces vngues effugere sursum, elatusq; ex proiecto illo  
anima mea statu altius ad veram, inq; Petra sitam Ecclesiam Roma-  
nam confugere. Indigebam nempe aliquo Petro, qui suis mihi cla-  
uibus*

nibus aditum ad astra faceres. *Affirmare audeo; multicipiti haic  
 bellua, facundoq; suis cladibus malo necdum me biceps Aquila eripu-  
 isset; necdum me eò usq; vel minitante ferro docuisset euolare Armi-  
 gera DE I volucris, nisi fortior ratio & altior DE I mens, inter alia,  
 Cellitudinis etiam Vestrae virtute, diuinisq; donis mihi ostensis to-  
 tum me deniq; conuicisset, eam Matrem vitandam non esse, quæ tan-  
 to tamq; eximio gauderet Filio. Et hic inter tres primus impulsus est,  
 quo me ad rerum omnium Finem, cuius Centrum ubique, amantiissi-  
 mè direxisti; cui Tu Centro cum semper coniunctus viuas, quis dubi-  
 tet, omnem etiam Motum meum rectissimè ad Te tendere? Alter  
 impulsus, quo ad Te rapior, & de quo Theses mea altero agunt loco, ni-  
 hil distinctum est à fluentibus, ut vocant, ibi; per quæ Tu tot Lega-  
 tionibus pro Patria susceptis plurimorum aures petuisti, & sic ali-  
 quando dignam eloquentia tuâ audientiam nactus es. Quid dicam  
 plurimos Principes, quid Archiduces, quid S. R. I. Electores, ad quos  
 ideopra multis alijs missus es, ut ex Te Patriam nostram aslimarèt?  
 Ad summa Ecclesiae Romanae capita publicè ire iussus es, modò Ratisbo-  
 na in Germaniâ Romanam Maiestatem, modò in Italia Romanâ san-  
 ctitatè ad promouendam salutem Patria rogaturus; & impetràsti pro  
 votis omnia: quid enim Tibi Sanctitas adeò familiaris, aut Maiestas  
 ad iustas preces tam facilis negare possit? His tantis confectis Legati-  
 onibus etiam ad me humanissimè Ingolstadij inuisti, ut, credo, tuas  
 tam gloriosas & altas Legationes infimi Clientis tui visitatione vel  
 demissam modestiam doceres; vel mihi etiam in Te ostenderes eam,  
 quam apud tantos Principes expertus es, humanitatem. Tertius Im-  
 pulsus (nam naturales omitto communis Patriae & Sanguinis) est ma-  
 xima illa tot beneficiorum tuorum in me profecta vis, de quâ iam qui-  
 dem supra dixi, verùm semel tantum dicere nimis parùm foret. Ista  
 vis in tertia Disputationis meae parte eadem est cum philosophica Gra-  
 uitatione & Léuitatione, quæ tanta à Te in me hætenus ruit, ut vn-  
 dique grauatam iam dudum obruere posset; cùm tamen ex Te audio,  
 nihil me Tibi pro tot beneficijs debere, quàm amorem; hoc ipso Impul-  
 su facillimè leuor, utpote ab igne amoris Tui & mei sublatus. His  
 bene.*

*beneficij addis nouum, quibus addi aliquid posse ij negarent, qui ingeniosam Celsitudinis Vestræ ad largiendum indolem perspectam non habent. Etiam commoditatũ tuarum aliquã parte mihi cedere paratus es, amantissimas matres secutus, quæ sibi non raro in filioli commodum quid detrahunt. Quod ego quidem si petissem, impudens forem; si oblatum non acceptarem, ad vitium satur beneficentiã tuã. Sine ergo, Reuerendissime & Perillustis Domine has Triplici Impulsu abreptas ad Te chartas, & me per illas in Tua Celsitudine paulisper quiescere: nihil enim Maiorem mihi Impulsu ad aliora addiderit eã quiete, quam hoc trium annorum Cursu in Tuã Celsitudine quesui. Ingolstadij, VI. Non. Maias. Anno Salutari M. DC. XXXI.*

**Reuerendissimæ ac Perillustis Celsitudinis Vestræ**

**Dēnotissimus Cliens & Agnatus**

**CASPARVS LEOPOLDVS GEBAYER.**

## IMPULSVS PROIECTORVM.

### THESIS PRIMA.

**I**mpulsus, si materialiter spectetur, est de tertia specie prædicamenti Qualitatis. Tripliciter nobis considerandum sumimus; Primò, quatenus datur in Proiectis; Secundò, prout motum localem constituit; Denique respectu Grauitationis & Leuitationis. Diuersimodè denominari solet hæc qualitas ob diuersa principia, ex quibus oritur.

II. Quandoque procedit à grauitate & leuitate, & dicitur Grauitatio ac Leuitatio, aliquando à qualitatibus primis, cum diffusionem vel coarctationem subiecti connotando multum vel parum materiæ, atq; per eam habetur raritas & densitas. Aliàs à potentia Locomotiuâ, eaq; siue vitali, siue non vitali; itémq; vel in mobili coniuncto, vel in abiuncto: priori modo dicitur simpliciter Motus; posteriori verò, Impulsus.

III. Hæc qualitas à solo Deo conseruatur, & ex subtractione concursus Illius corrumpitur. Deus non ita prolibera sua voluntate impetum destruit, quin rationem habeat natiuæ eius imbecillitatis, postulantis non longam durationem, etsi nullum aliàs impedimentum eius permanentiæ obijceretur.

IV. Per accidens possunt etiam alia impulsus destruere, quatenus nimirum sunt conditio, ne ille vltèriùs agere valeat: vr, cum molle obstaculum sua tenacitate proiecti corporis regressum impedit; aut cum à corpore graui sursum proiecto, impulsus in contrarium directus maior priori elicitur.

V. Grauitas vel resistentia mediij, impulsui non sunt contrariæ: aliàs etiam impetus contrariaretur grauitati, & hanc destrue-

destrueret, quando lapidem v. g. sursum impellit. Sic impulsus tam parum à medio resistente, quam parum calor à resistencia formali frigoris destruitur.

VI. Impetus alius est materialis, qui rebus corporeis cōuenit; Alius spiritualis, & hic rebus incorporeis attribuitur: censemus enim etiam in Angelo moto spirituales aliquam qualitatem ad similitudinem eius, quam in proiecto corpore impetum vocant, produci.

VII. Impulsus quò ad res materiales est vnius speciei atomæ, etiam in homine: anima namque sicut dependet in intelligendo à materiali phantasmate, ita à materiali quoque impetu in mouendo. Secus si esset, posset anima impetu spirituali sibi impresso, & corpus per concomitantiam mouendo, semet cum illo sursum leuare.

VIII. Impetus tam in instanti, quam successiuè secundum se produci potest: nam & pila contactu instrumenti momentaneo excutitur; & lapis in funda per temporaneam impetus introductionem quasi ad abitum disponitur.

IX. Duplex latitudo in hac qualitate considerari potest, Extensiuæ & Intensiuæ. Secundum extensionem producit in omnibus partibus mobilis plerumque in instanti. Quod si successiuè in re dura & non compressili producat, tum partes propiores agenti non prius loco efferuntur, quam remotiores etiam impetum concipiant. Secundum intensionem itidem cōmuniter in instanti fit impulsus utpote qui contrarium non habeat.

X. Proiecta per se, & proximè ab impetu ipsis, à projicienti impresso mouentur. Aër solus est insufficiens ad id præstandum; quin tamen mobile proiectum promoueat, non absolute negamus. Cùm aër, ut ex immoto fiat motus, impetum recipere debeat, non videmus, quomodo non in proiectis quoque hæc qualitas admittenda sit.

XI. Aër



XI. Aër hoc modo impellitur : mobile proiectum dum initio motûs proximam sibi partem aëris reperit immotam, eam commouet, & simul cum ea secundam, cum hac tertiam, & sic deinceps. In hac commotione secunda pars velocius mouetur quàm prima, & tertia velocius quàm secunda; cum prima pars à solo lapide, secunda verò à lapide & primâ parte; tertia autem etiam ab eodem lapide & secunda aëris parte moueatur, & proiectum semper proximam partē sibi transcendā immotam inueniat.

XII. Duplici alio ex capite mobile per aërem celerius mouetur: primò, ex eo, quòd partes posteriores tractione quasi rarefiant. Secundò, quòd hâc ipsâ tractione vacuum euitare conentur atque sic dum partes aëris mobile consequentes ad hoc, vt vacuum euitetur, & rarefactio perficiatur, concepto impetu se se celeriter fortificant, mobile vnà propellunt.

XIII. Quòd non sufficiat impulsus in aëre admittere, qui deinde mobile protrudat, patet inde : quia & globus ex tormento excussus, sæpe contra reflatos etiam à vento vapores supra flumina perrumpit; & pisces in aquis sclopo traiciuntur, quò tamen nec aër, nec aquæ contorquentur.

XIV. Licet à partibus aëris subsequētibz mobile propelli dixerimus, eas tamen tanquam sufficientes non agnoscimus : quia illæ potius metu vacui trahuntur, & huiusmodi motuum principium aliunde supponunt. Vniuersim corpus tam fluidum videtur insufficiens ad aliud corpus tam perniciousè deferendum.

XV. Philosophus hâc in parte nobis non aduersatur, quòd 4. Phys. 68. neget, in vacuo motum fieri posse : intelligendus enim est tantum negare motum ad eum modum, quo apud nos fieri solet, vbi res quasi in liquido deuehuntur.

XVI. Impetus Proiectorum velocior est in medio, quàm in fine, vbi ille expirat; aut initio, vbi nondum viger. Inter

B

ipsum



ipsum motū partes posteriores ab anterioribus intenduntur. Motus localis præuius ad maiorem impulsū proiectis imprimendum habet se per modum causæ, non tantum per modum conditionis.

XVII. Proiectum ex obstaculo plano, cæteris paribus, eodem angulo redit, quo in illud ferebatur. Hic reditus ut plurimum effectiue procedit ab impetu primo, in mobili producto; ab obstaculo verò directiue.

XVIII. Si proiecto corpori obuiaret aliquid in contrarium impulsū, & hoc intensiori impetu illud velocius repelletet; tum tale corpus proiectum ab obstaculo moueretur suo modo effectiue. Secus de obstaculo immoto, & quod ab ipso proiecto impulsū recipiat, sentimus.

XIX. Mobile proiectum ab obstaculo rediens, per se in puncto reflexionis non quiescit ex vi reflexionis quiete priuatiua; quæ scilicet uti motui locali opponitur, ita etiam non nisi in tempore perfici potest. Quies negatiua quin interueniat, dubium non est; hæc namque in instanti habetur, quo mobile moueri non posse clarum est.

XX. Per quietem negatiuam motus ad obstaculum, in alto positum & consistens, item ab eodem obstaculo, sufficienter discontinuantur ratione spacij, in quantum superficies terminans motum sursum, non iam terminat aut continuat, sed inchoat motum deorsum.

XXI. Vacuum hic nullum timendum: nam & inter corpora tam imperfectè figurata plerumque adhuc intercedit aer in contactu; & sicut mobile post instans negatiuæ quietis in tempore a obstaculo redit, ita in eodem aer succedere potest.

XXII. Si lapidi sursum proiecto obuiaret corpus grauius, quod lapidi impetum imprimeret, ita ut æqualis gradus impetus à grauitate producti inciperet extrinsecè, tum intercederet  
quidem

quidem quies priuatiua, id tamen merè per accidens, & non ex vi reflexionis foret. Idem fieret, si pila v. g. mollior in obstaculum consistens excuteretur.

XXIII. Lapis violenter sursum proiectus, demum grauitatione suâ superato impetu extrinseco deorsum recidens, non necessariò quiescit priuatiuè: potest namque fieri, vt attemperato successiuè vtroque impulsu, lapis nec sursum, nec deorsum moueatur, sed negatiuè quiescat; & tum post illud instans ad suum centrum ruere incipiat.

XXIV. Proiecta non necessariò mouentur per lineam directionis, cum quoquo versum propelli possint. Linea directionis est recta & perpendicularis linea, ducta per tria puncta in directum iacentia, nempe per centrum Mundi, per centrum grauitatis rei, ac per punctum contactus cum corpore inferiori.

XXV. Si daretur vacuum, tum Impulsus mobile non vsque ad ipsum vacuum deferret, ob metum noui vacui istuc intercedentem. Immediatè ante vacuum periret, si corpus in loco solido collocaretur; si verò in liquido, tum impetus deorsum ferre inciperet.

XXVI. Impetus corporis grauis sursum proiecti est violentus; non item si illud deorsum impellatur: licet enim hoc sit à principio extrinseco, non tamen est contra inclinationem illius corporis. Ad violentiam motus præter principium extrinsecum requiritur etiam positiua resistentia passi.

XXVII. Materiæ secundum se spectatæ nullus motus est violentus, sed tantum prout subest certæ formæ: nam sicut per se est indifferens ad omnem formā, ita in quantum est pars subiectiua alicuius totius, quod cum forma constituit, in tantum etiam affectabit bonum illius totius, quod est sursum vel deorsum iuxta formæ exigentiam moueri.

XXVIII. Cum ferrum à magnete, & stramen à succino

furfum trahitur, fit hoc motu naturali; quia enim iftarum rerum formæ fubftantiales habent natiuam inclinationem ad fimiles motus, etiam materiam ad eodẽm inclinabunt.

XXIX. Quandoque miri aliqui & infoliti effectus naturaliter contingunt, vbi vulgò ope fpirituum fieri putantur. Sic S. Auguftinus Serapidis fimulacrum fine vlla illigatione vi magnetis in fublimi pependiffe narrat.

XXX. Impetus in corpore graui moto à dæmone ita attemperari poteft, vt illud nec furfum, nec deorfum moueatur. Sic facere potuit, vt nonnunquam Magi fupra aquas ambula- rent, impetu vel in hominem, ne caderet; vel in aquam ne ce- deret, æquali impreflo.

XXXI. Motus Cœlorum eft naturalis, à Deo fcilicet naturaliter ordinatus ad commodum & gubernationem totius vniuerfi. Formæ Cœlorum non tantum non repugnat fuis motus fed ab ea etiam tanquam fua perfectio in ordine ad bonum vniuerfi refpicitur. Ob hunc refpectum transcendentem poffunt eclipses, coniunctiones, & fimiles Aftrorum apparentiæ effe obiectum propriæ demonstrationis.

XXXII. Hic motus eft à Creatura rationali incorporea, nempe ab Intelligentia affiftente, quæ & virtutem motricem ad id proportionatam habet; & perfpicaciffimo intellectu, ac voluntate ordinatiffimâ ad bonum huius vniuerfi promouendum prædita eft.

XXXIII. Si impetus ifte à Cœlis vel aftris ipsis producere- tur; tum quies, quâ post extremum Iudicii diem cœli confiftent, foret illis violenta. Solus Deus huius effectus caufa non eft; vt qui vniuerfum per caufas fecundas, vbi fieri poteft, administrare foleat.

XXXIV. Velocitas motus Cœlorum vel Aftrorum non obef, quò minùs ille ab Intelligentia prouenire poffit, vt, quòd fol v. g. tam concitato impetu feratur, vt vnus horæ fpatio

spacio ultra ducenta quinquaginta millia milliarium Germanicorum cōficiat; adeoque si in terra cursum suum metiretur, vnâ horâ plus, quàm quinquagies totum terræ ambitum circuiret.

XXXV. Æquabilitas motûs etiam non obstat; quâ sit, vt constellationes semper eandem inter se habitudinem seruent, licet magis minûsue ad polos vel Eclipticam accedant, aut ab ijs recedant; etiamsi Cœli ponerentur liquidi.

XXXVI. Ingens quoque stupendi illius Opificij vastitas vim Angelicam motricem non impedit; quia resistantiam magnam non habet: quantumuis Firmamenti capacitas tanta sit, vt per multos orbium terrestrium milliones millionum non expleretur.

XXXVII. Officium mouendi Cœlos non est contra felicitatem & libertatem Intelligentiæ, quasi orbi suo aut stellæ ita affixa hære cogeretur: hoc namq; necessarium non est, sed per totum globum liberrimè diuagari, & vbiq; impetum imprimere potest: maximè cū tempore quasi imperceptibili à cælo ad terram se se mouere possit.

XXXVIII. Impetus Cælorum & stellarum quâ fixarum, quâ erraticarum est ab Ortum in Occasum, Motus stellarum proprius non datur; motus proprius diceretur ille, per quem stellæ, dum motu raptûs feruntur ab oriente in occidentem, simul etiam ab Occasu mouerentur in Ortum.

XXXIX. Si idem planeta ex puncto fixo B. moueretur mediâ horâ motu proprio versûs Orientem C. & motu raptûs ad Occidentem D. deberet à se ipso exire, cū diuersi motus locales diuersa Vbi essentialiter respiciant.

XL. Experientia, quæ ad saluandos motus eiusdem rei simul contrarios affertur, quòd scilicet nauta motu nauis deorsum rapiatur, & motu proprio sursum aduersus flumen in naui ambulet, non probat rem vnâ duobus simul motibus diuersis moueri.

XXI. Nauta dum pedem vnum à subiecto corpore sublatum promouet, alterumq; fixum tenet, fit vt hoc pede retrahatur, illo promoueatur, atq; cum vtroque medius simul corporis truncus; & sic tardiùs ad destinatum spacium deueniet, dum aliquantillum à naui secundum alteram sui medietatem retrahitur.

XLII. Si globus contra motum naui rotaretur, tum vel illius impetùs motui naui esset æqualis; & globus immotus persisteret: repugnantibus sibi inuicem æqualiter impulsibus. Vel esset maior, & globus æquè ad suum ferretur spacium imaginarium, ac si extra nauem foret: vel esset minor, & naui globum secum deferret.

XLIII. Simile quid est in motu planetarum: in tantum enim planeta aliquis retrocedere putatur, in quantum illi ad integram circulationem post absolutum vnus artificialis diei cursum, perficiendum aliquid spacij restat. Quia alij alijs planetis tardiùs celeriusue mouentur, & magis vel minùs de suis periodis perfectè continuandis reliquum habent, etiam magis vel minùs ad Ortum retrogredi iudicantur.

XLIV. Etsi motus stellarum fixarum quoad celeritatem sit inæqualis (licet enim omnes quotidie intra diem artificialem ab Ortum in Occasum moueantur, aliæ tamen per maius circulare spacium, aliæ verò per minus, suum cursum conficiant) ob distantiam tamen nimiam & motus velocitatem, eæ, quæ sunt ad inuicem propinquiores, vix ad Orientem retrocedere videntur.

XLV. Inferiores Cæli non mouentur à raptu Primi Mobilis. Secundum nos Primum Mobile non est quid distinctum à Firmamento. Duo etiam Cæli, nempe stellatum & planetarium nobis sufficere videntur.

XLVI. Si à Primo Mobili Cæli inferiores raperentur, tum ij sibi inuicem inniti deberent; cum tamen à superioribus



bus inferiores non graentur, vel sibi mutuò adhærescere; at nullo humido viscoso agglutinantur; vel quadam quasi dentium commissurâ coniungi; verùm non partium aliquarum depressione, & aliarum vicissim eminentia asperantur: vel denique ab extrinseco illidi; id quod ab Intelligentiâ non fit. Et hæc impediunt motum raptûs, vt non nemo prudenter aduertit.

XLVII. Stellæ mouentur sine concentu; in Cælis namq; solidis sonum elicere nequeunt, cum suis locis infixæ manent. Si Cæli ponantur liquidi, tum subtilitas corporum cælestium, carens grauitate & magnâ resistentia, ad cōcentum, præsertim sonorum, non apta esse videtur.

XLVIII. Motus Cælorum aliquo modo necessarius est sublunaribus. Si sol consisteret, tum immediatè illi subiecta præ nimio ardore omnia conflagrarent: cætera à sole remota defectu caloris omnino obrigescerent.

XLIX. Non ita necessarius est motus iste, vt illo cessante, inferiorum quoque corporum actiones cessaturæ sint: sicut enim hæc à Cælo non dependent in essendo, ita nec in operando. Interim stante Cælo, breui etiam viuentium actiones deficerent ob carentiam illius vegetationis, quam à virtute cælesti accipiunt.

L. Auctoritas Aristotelis nobis nō est cōtraria, dum motū Cæli simpliciter necessarium esse dixit: id etenim ex illo errore natum est, quod cælum pro DEO agnouerit, qui constet materiâ & formâ, sitq; animal æternum & optimum. Sic motum illum, vt qui à principio intrinseco proueniat, naturalem esse sensit.

LI. Motus Cælorum non fit per lineam omnino simplicem; sed quasi mixtam nec perfectè circularem, sed spiralem & giratiuam. Spiralem talem describent stellæ fixæ, si poli mundi non immoti permanere, sed in paruo circello circumferri ponantur.

LII. Pun-

LII. Puncta polaria non sunt realiter separata à partibus Cœli. Non possunt dici consistere in indiuisibili, atque cum partibus Cœli coniuncta, immotaque esse; aliàs vel vnio, quâ copulantur vtraque, partim mouebitur, partim quiescet; vel certe, si vnio distincta negetur, eadem entitas mota & immota erit.

LIII. In anima rationali, globo alicui vnità, aliter se res haberet: hæc namque ob virtualem suam diuisibilitatem potest correspondere motis partibus globi; dum intra cauum illius manet; licet tota sit in tota, & tota in qualibet parte spacij: quod non est in puncto formaliter & virtualiter indiuisibili.

LIV. Sol non est in centro huius vniuersi positus; nec immobilis. Terra non in concentrico Solis circulo instar planetæ circum Solem obambulat. Luna non ambit terram, tanquam centrum suum in Solis Concentrepicyclo.

LV. Motus Librationis & Obliquationis possunt optimè per circulos concentricos, excentricos, epicyclos, & excentrepicyclos, saltem imaginarios, saluari; aut in Intelligentias motrices referri: vt adeo necessarium non sit, integras Cœlorum machinas his moribus in auxilium destinare.

LVI. Motus Librationis est ab Occasu in Ortum, per quem anticipantur Æquinoctia, & alio loco Æquator ab Ecliptica interfecatur. Obliquationis & alij similes motus sunt, quibus fit, vt Æquator & Ecliptica aliam ad se inuicem inclinationem habeant, aliũque angulum post intersectionem faciant.

LVII. Circulus concentricus est, qui ex eodem centro Mundi descriptus idem complectitur. Excentricus est, qui licet centrum vniuersi in se complectatur, ex alio tamen centro descriptus est: Epicyclus nec centrum vniuersi continet, nec ex eodem descriptus est. Denique Excentrepicyclus est circulus excentricus cum epicyclo.

LVIII. Ob



**LVIII.** Ob motum Cœli fieri potest, ut duo homines ex eodem loco, æquali tempore, in diuersa moueantur, & æquali spacio completo, eodem tempore & puncto conueniant; ita tamen ut vnus plures dies altero numeret.

**LIX.** Eclipses, Oppositiones, & similes siderum effectus, propter statum Astrorum cursum, à quo hæc necessariò dependent, ab Astronomis certò sciri possunt. Tempestates, fertilitates terræ, & similia, quæ à libertate humani arbitrij nõ dependent, si per longam experientiam docti, & accurati sint in suis obseruationibus, probabiliter prædicere possunt illi ipsi Astronomi.

**LX.** Ex irrequieto vaporum, perpetuò in aëre intercurrentium, motu ac agitatione prouenit stellarum scintillatio. Hæc est succussio quædam lucis frequentior & contractior, orta ex objecti distantia propter angulos minores, quibus representatur. Stellæ fixæ magis scintillant quàm planetæ. Sol præteruolante fumo tremere videtur: at si ex maiori distantia minor nobis appareret, scintillare diceretur.

**LXI.** In impetum stellarum, in suis cavitatibus circumastarum, scintillatio non videtur posse referri, quasi nimirum stellæ inde scintillarent, quòd dum partes diuersæ raritatis habent, alias alijs lucidiores nobis per continuam successionem exhibeant.

**LXII.** Si reciproca hæc stellarum agitatio intra suas caueas admittitur, non est ratio, cur Luna eosdem hiatus montesque nobis semper ostendet. Volutatio, quæ fit seiuncto motore, grauitatem moti corporis supponere videtur; ista cū in astris grauitate carentibus non reperiatur, etiam volutatio ibidem locum non habebit.

**LXIII.** Ex diuersitate motus saluatur macularum solariū quoad figuram, multitudinem & magnitudinem variatio. Hæ maculæ feruntur in diuersis circulis: dum perigeæ sunt, ob

maiores diametrum apparentem fiunt conspicuæ; apogææ euaneſcunt.

LXIV. Quandoque plures maculæ in vnâ coaleſcunt; quia cùm in diuerſis ſub ſe inuicem moueantur epicyclis, ſaltem imaginarijs, quando in eundem radium incidunt, vna apparet. Quandoque vna in plures diuiditur, vel certè plures aliter figuratæ videntur, cum per diuerſam radium ad viſum noſtrum pertingunt.

LXV. In egreſſu & ingreſſu ſpectantur oblongæ, quia vel ob declinationem à ſole quo ad vtramque partem tam illuminatam, quam non illuminatam apparent; vel quia aliquibus ſui partibus rariores, lumen variè ad nos reuerberatum modificant.

LXVI. In ingreſſu & exitu tardiùs quàm in medio moueri, itémque minores eſſe videntur, eo quòd lux de medio allapſa ſtellam cuiusque motum viuaciùs repræſentet. Maculæ ſolares ſunt veræ ſtellæ. Verſus oculum noſtrum lumine priuantur, dum ſolem ſubeunt, & inde nobis macularum inſtar nigricantium apparent.

LXVII. Maculæ ſolares integro die eodem loco ſub ſole manere putantur. Eadẽ numero, atque eodem ſolis loco in diſſitis regionibus obſeruantur. Supra horizontem diu videntur. Hæc & ſimilia indicio ſunt, maculas ſolares non poſſe eſſe exhalationes aut vapores aëreos: vti quo ad hæc & ſuperiora quædam de Maculis rectè ſentiunt recentiores Mathematici.

LXVIII. Maculæ ſolares non ſunt partes denſiores inferiorum Orbium, quæ coniunctæ integrum ſolis aſpectum impediunt; ſic etenim longè diuerſam à ſole parallaxin haberent. Non ſunt etiam partes denſiores Cœli, condenſatione, introductæ, & rarefactione ruruſam ablata; aliàs & circa Lunam tales maculas eſſe oporteret.

LXIX. Hæ

**LXIX.** Hæ maculæ non possunt referri in partes solis cōstantes, rariores, & minùs lucidas, ita vt ex continua solis intra caueam suam volutatione modò nobis obuertantur, modò eripiantur: sic enim sole tremente maculas omnes celerimè abscondi necesse esset.

**LXX.** Faculæ solares eodem cum maculis circa solem motu feruntur. Coniunguntur his maximè in ingressu & exitu, eo quòd ibi faciliùs appareat reflexio, vbi sol nobis remissius illucet.

**LXXI.** Hæ faculæ sunt vel stellulæ quædam diaphanæ; quæ dum radios solares per corpus suum transmissos, valde refringunt, & in vnum cogunt, ipso sole illustriores fiunt: vel sunt lumen reflexum ab ipsis maculis aduersus discum solarum.

## IMPVLSVS LOCALIS.

**LXXII.** Impulsus in quantū applicat mobile maiori spacio in motu, quàm sit in consistentia, habet rationem motus integraliter sumti, cùm, vt sic, essentialiter successionem, ad motum strictè dictum requisitam, inuoluat. Est qualitas absoluta, producta à potentia Locomotiva; deferens rem de loco ad locum: idem enim officium nos tribuimus impulsui, quod Alij tribuunt entitati cuidam modali, quam vocant Vbi intrinsecum.

**LXXIII.** Impulsus, si secundùm se consideretur, potest etiam in instanti produci. Prout abstrahit ab applicatione mobilis ad spaciū maius mobili, non spectat ad motum localem, sed ad alteratiuum.

**LXXIV.** Impetus nobis necessariò videtur admittendus, ne detur transitus à contradictorio ad contradictorium sine medio; quòd iam res aliqua denominetur mota localiter, quæ

prius non poterat taliter denominari. Constituit terminum motus localis adæquatum vnà cum spacio siue reali, siue imaginario, cui mobile coëxistit.

LXXV. Sicut motus localis distinctam ab alijs motibus essentiam habet, ita diuersas etiam proprietates sortitur. Terminos duos inadæquatos tam necessario requirit, quam actio productiua visionis & visionem ipsam, & eiusdem obiectum necessario exigit.

LXXVI. Spacium etsi à motu locali non producat, sed solummodò ipse impetus; terminus tamen eius adæquatus dici potest spacium vnà cum impetu sumtum: perinde vt Aliqui terminum Generationis adæquatum formam vnitam esse asserunt, licet sola vnio educatur.

LXXVII. Productio impetus causaliter rem defert; impetus loco maiori & diuisibili eam formaliter applicat. Etiam supernaturaliter repugnare videtur, hanc qualitatem dari posse in proportionato subiecto, sine tali applicatione locati. Delatio ista mobilis tantum grammaticalis quædam actio est.

LXXVIII. Improportionatum subiectum est, quod sua grauitate aut firmitudine vim impetus inducti superat: vel quod tantum subest instanti, cum sic intrinsecè ad motum localem, qui temporaneam successionem essentialiter requirit, ineptum sit.

LXXIX. Subiectum materiale respectu impetus spiritualis, & è contra subiectum spirituale respectu impetus materialis non videtur esse improportionatum; non quidem quoad effectum primum, nempe informationem, sed quoad secundarium, vt pote applicationem ad spacium successiuam.

LXXX. Mobile extra motum se ipso formaliter fit coëxistens spacio. In motu inuoluit successionem suæ præsentie, ita vt spacium semper sit maius re coëxistente. Quoad partes priores spacij coëxistentia rei in motu deperditur, quoad posteriores acquiritur.

LXXXI. Im-



**LXXXI.** Impetus ex se indifferens est ad quemcunque locum. Quod huc potius quàm illuc mobile transferatur, est vel à propria virtute motrice; vel à vi aliqua extrinseca impulsiva; vel à causa quapiam, siue liberè, siue necessariò ad hunc magis, quàm illum locum se determinante.

**LXXXII.** Impetus vnà cum corpore moto transfertur, id quod de Vbi, si hoc pro termino per motum localem productum ponatur, dici non potest. Absoluto motu impetus perit: Vbi etiam in consistentia manet, eiusque officium non est rem deferre, sed formaliter loco æquali applicare.

**LXXXIII.** Cuius puncto spacij suum Vbi modale responderet in motu locali alicuius corporis, ita vt omnia Vbi distincta essent, quæ diuersis punctis responderent. In impulsu hoc non fit, sed vnicus rem per totum spacium defert: atque ita per prædicta Modales entitates ipsius Vbi in motu propè infinitas, per vnā qualitatem delatiuam, iuxta paucum Naturæ genium, effugimus.

**LXXXIV.** Accidentia tametsi etiam in quantitate, ceu connaturali subiecto recipi possint, sufficit tamen vt impulsus in materia recipiatur. Materia est quoddam quasi fulcrum, quo moto cætera quoque mouentur.

**LXXXV.** Accidentia in subiecto vt vt tantum concomitantè & ratione connexionis deferuntur aliò, possunt nihilominus dici mota localiter; si hoc nil aliud sit, quàm quomodocunque, etiam per seipsum in tali casu, successiuam cum spacio præsentiam acquirere.

**LXXXVI.** Quando S. Thom: 1. p. q. 110. a. 3. in corp ait, mobile secundum locum, in quantum huiusmodi, esse tantum in potentia ad aliquid extrinsecum; non negat illud intrinsecè mutari vi successionis, sed vult solummodò id non taliter mutari vi termini ad Quem.

**LXXXVII.** Aristoteles 8. Phys. tex. 59. vbi habet, inter omnes

omnes motus secundum solam lationem mobile non mutari, in eundem sensum explicari potest; intellexisse videlicet, mobili nihil reale, viloci, accedere. Impulsus localis est quid imperfectum eo ipso, quod priuationem loci acquirendi essentialiter connotet.

**LXXXVIII.** Defacto duæ tantum species motus localis dantur, impulsus nimirum materialis & spiritualis. Supernaturaliter possent res moueri localiter per modum intrinsecum mobilis Vbicatium. Hic modus vt specie multiplex esse potest, ita etiam motum in simili, quoad speciem, multiplicitate constitueret.

**LXXXIX.** Licet ergo Vbi modale, vt superfluum, Natura horreat, illud tamen per absolutam potentiam dari posse, inde est, quia Deus ob certum finem, quem nouit sibi præstitueret, similia facere potest. Res quidem in tali casu debet esse antè, quàm recipiat Vbi, non tamen debet esse prius alicubi; per ipsum enim Vbi res formaliter constituitur alicubi.

**XC.** Non inconcinne loquuntur, qui actiones adductiuas non hic, sed huc fieri dicunt; quomodo in transubstantiatione dicendum esset, Vbi Christi non in templo V. G. Beatissimæ Virginis, sed in templum fieri.

**XCI.** Motus circularis & spiralis, item sursum & deorsum nonnisi specie accidentali distinguuntur. Idem numero impulsus, pro vt aliter & aliter applicatur aut impeditur, rem quouis ex his modis propellere potest.

**XCII.** Quando Philosophus Elementa in libris de coelo, propter motum sursum & deorsum, specie distingui asserit, considerat ea in ordine ad locum naturalem, quæ quouis necessario exigit. Sic motus vnus Elementi à motu alterius ob diuersos specie terminos extrinsecos sufficienter distinguitur.

**XCIII.** Licet Elementa per motum sursum vel deorsum

orſum eſſentialiter diſtinguantur, id tamen non fit, ſi motus iſti ſecundum ſe ſumantur. Sic ſerè cognitio albi & nigri ab homine facta etiam eſſentialiter diſtinguitur, quatumvis inter ipſum album & nigrum, vt ſic, tantum accidentalis diſtinctio intercedat.

XCIV. Præteritio impetûs localis à Deo reproduci nequit; ſicut enim hæc nihil aliud eſt, quàm negatio eius eſſentiæ, quæ competeſcit rei alio tempore, & iam non amplius competit, ita cauſam ſui productiuam non habet.

XCV. Per abſolutam potentiam etiam Creatura impetum reproducere poſſet. Hic effectus ſi quoad ſubſtantiam non excedat virtutem agentis, in genere cauſæ principalis ab eo procedet. Quo ad modum autem reeſſentiæ Creatura ſemper cauſa inſtrumentalis eſſet.

XCVI. Cum Natura dicitur eſſe principium & cauſa motûs, non neceſſarium eſt intelligere motum localem; quia motûs etiam instantanei cauſa eſſe poteſt. Artificialis brutorum motus, V.G. ſaltatio Elephantis ad Lunam, provenit ex vera arte, ſed non Ariſtotelicâ.

XCVII. Figura licet ex ſe non ſit actiua, per modum tamen conditionis motum localem promouere vel retardare poteſt. Acuta planis citius mouentur, quia dum pauciores partes medijs attingunt, minorem reſiſtentiam habent.

XCVIII. Dæmon; niſi ob certas cauſas à Deo impediatur, per motum localem omnia poteſt, quæ obiectum potentiæ locomotiue, vel ipſum motum ob improportionem maioris inæqualitatis non excedunt. Hominem de loco in locum corporaliter transferre poteſt. Propter naturam Quantitatis naturaliter immutabilem, penetrationem corporum facere nequit.

XCIX. De facto non videtur cuiuſvis Intelligentiæ vis proportionata, ad terram ſine inſtrumentis loco dimouendam.



dam, licet DEVS permitteret. Si Cœlum in sua proportionē terræ gravitatem haberet, non futurum putamus, vt ab vlla virtute Angelica moueri. posset.

C. Quatuor species motûs, à Philosopho 7. Phyl. tex. 10. allata, nempe Tractio, Vectio, Volutatio, Pulsio, in Intelligentijs etiam locum habent. Distinguuntur inter se tantum connotatis quibusdam.

CI. Pulsio foret, si vna Intelligentia vel immediatè motu per applicationem substantiæ in alia producta eam pelleret; vel per impetum ceu pilam à se truderet. Si potentior Angelus infirmiori se supponeret, & cum eo moueretur, Vectio esset.

CII. Tractio fieret, si præcedens alium aliquo modo reluctantem post se raperet. Volutatio denique, si alter Spiritus per qualitatem diuisibilem, V. G. sphericè extensus rotaretur. Ratione illius qualitatis haberentur partes: aliæ depressiores, aliæ eleuationes, id quod ad volutationem requiritur.

CIII. Per motum localem nequit dæmon duo corpora ita distrahere, vt fiat Vacuum; Multò minùs aliquid replicare potest. Ab his non tam extrinsecà DEI voluntate, quam intrinsecà suâ naturali impotentiâ impeditur, cùm hæc naturis rerum manifestè repugnent.

CIV. Dæmon vel suâ fallaciâ, rem vno loco verè, altero fictè per præstigium exhibendo; vel suâ celeritate, rem eandem ex vno in alterum locum celerrimè transferendo, facere potest, vt res aliqua videatur replicata.

CV. Si DEVS faceret vt homo quispiam interueniente penetratione posteriorum partium corporis cum prioribus de se ipso exiret in alium locum non relicto priori, esset replicatio per motum localem facta. Adductiua replicatio non necessario fit motu locali. Vocant autem Adductiuam replicationem illam, quam sibi persuadent fieri productione alicuius Vbi, quod sit Modus.

CVI. Qaun-

**CVI.** Quando replicatus homo in vno loco vehementer moueretur, in altero non nisi remissè moueri posset, ob potentiam Locomotiuam vno loco propè exhaustam. Si in vno loco dormire incipiat, idem etiam faciet in altero, sed apertis oculis.

**CVII.** Idem in via, si sibi occurreret, semet ab eodem spacio subeundo impediret. Si occurfus fiat secundum partem anteriorem, penetratio fieri nequit ob impenetrabilitatē partis dextræ cum sinistra. Si fiat per modum semet insequentium, tergi cum pectore impenetrabilitas obstitit, ne semet subintrare possit.

**CVIII.** Homo replicatus per absolutam potentiam se ipsum penetrans, non posset semet naturaliter diuellere, ob periculum penetrationis nouæ quarundam partium. Si ante replicationem non potuit lapidem, V. G. centum librarum loco dimouere, etiam millies replicatus non dimouebit.

**CIX.** Impetus localis, à corpore replicato in vno loco factus, si in corpore distante produceretur, fieret id à solo DEO, cum nullum agens extra sphaeram suæ actiuitatis naturaliter agere valeat.

**CX.** Si DEVS non esset in spacijs imaginarijs in seipso, posset fieri, vt moueretur aliquò, vbi prius non fuisset. Item si DEVS non esset in Vacuo, tum si in Vacuo moueretur lapis, DEVS simul in illo, quasi continuò aliorsum delatus, moueretur.

**CXI.** In rarefactione & condensatione nulla pars determinari potest, quæ primò moueatur; aut à qua immota incipiat impetus; vel in qua finiatur. Quâuis assignatâ vterior & vterior dari potest, cum partes rei rarefactæ sint diuisibiles in infinitum.

**CXII.** In motu locali rarefactionis & condensationis, nulla replicatio, vel Vacuum, aut penetratio interuenit. In rare-

factione quævis pars designabilis secundum omnem loci differentiam rarefit.

CXIII. Quando partes dein rursus condensantur, similiter quævis per æquabilem extensionis diminutionem; non verò subintrationem vnius sub aliam, aut penetrationem, ad se innicem confugiunt.

CXIV. Motus rarefactionis quandoque contingit metu Vacui, per solam partium dilatationem impulsu factâ. Quandoque fit à motu extrinseco, quo partes distrahuntur. Quandoque à quibusdam qualitatibus, & plerumque primis.

CXV. Condensatio vicissim oritur vel à frigore; vel à partium compressione ad vitandam penetrationem; siue ea compressio ab intrinseco, siue ab extrinseco fiat.

CXVI. Quod caput Viuentis auulsum, corpusque truncum quandoque adhuc loco moueatur, referendum id est in Spiritus virales, qui hoc officium præstant ex directione, quâ à subiecto Viuente acceperant. Motus tales naturaliter non sunt diuturni.

CXVII. In motu locali homo erectus maius spacium cõficit capite quàm pedibus: periphæria enim illa, quam caput in aëre emetitur, quia longiùs distat à centro terræ, etiam ampliior est eâ, quam pedes terræ propiores emensi sunt.

CXVIII. In differentijs positionum; quarum sex sunt, nempe Suprà, Infrà, Antè, Retrò, Ad dextram, Ad sinistrâ, duæ vltimæ desumuntur à motu locali Viuentium. Dextra pars dicitur, vnde plerumque incipit motus progressiuus, quia pars ea fortior est.

CXIX. Motus maris sunt varij. Vnus est ab Ortu in Occasum, propter quem fit, vt Hispani in insulas Occidentales nauigantes, viginti quatuor dierum spacio nauigationem cõficiant; in reditu verò in Hispaniam tres vel quatuor menses consumant.

CXX. Alius

CXX. Alius fit in quibusdam locis ab Occasu in Ortum, ob impeditam Solis Virtutem, ne amplius mare deferre possit. Sic mare Adriaticum versùs littora Dalmatiæ, Istriæ &c. monetur ab Oriente in Occidentem: Quando verò eo motu venit vsque ad recessum, ubi sunt Venetiæ, vertitur versùs Meridiem & Ortum; terra enim Venetiana vltiori maris progressui obstitit.

CXXI. Mare Mediterraneum, quod ab Hellesponto vsq; ad fretum Herculeum ob Orto in Occasum monetur, ad columnas Herculeas reflectitur versùs Ortum: quia propter angustias illius fricti non potest se mare in Oceanum ad Occidentem effundere.

CXXII. Tertius motus reperitur à Septentrione ad Austrum: Flumina enim quia magno impetu ad Septentrionem irruunt, facillè mare prorsum ad Meridiem trudent. Potest etiam hic motus esse ex eo, quia partes aquæ ad Septentrionem sunt altiores, cum ibidem vi frigoris multa aqua generetur.

CXXIII. Quartus vocatur Euriporum, estque maximè inconstans & irregularis. Euripus est locus angustus, per què mare perrumpit. Celeberrimus dicitur esse inter Eubæam & Bæotiam, ut qui de die ac nocte sæpius reciprocam aquarum motionem habet.

CXXIV. Hæc motus inconstantia & irregularitas potest etiam vel in ventos & cauernas, quæ per talia loca deprehenduntur; vel cum Philosopho in aquæ libramentum referri. Sic Lances in libra, ubi non impelluntur, æqualiter descendunt; impulsæ verò continuâ agitatione & vicissitudine descensum ascensumque alternant.

CXXV. Pari ratione aquæ vnus maris ab extrinseco impulsæ, Euripi aquas in oppositum mare, quod ex altera parte Euripum claudit, ante se agunt. Illud oppositum mare aliquantulum intumescit; & dum desito tandè priori aquarum impulsu, ad æqui-



ad æquilibrium se reducere conatur, refluit. Hic refluxus ad prius mare aquas illius rursus excitat; inde hoc tumefactum vndas prioris regerit. Sic reciprocus fluxus causatur ob inæqualitatem impulsus tam ab extrinseco quam ab intrinseco prouenientis.

CXXVI. Vltimus denique motus est fluxus & refluxus maris. Fit ille vario modo & tempore, pro vt videlicet aliâ & aliâ habitudine se se mare ad Lunam solemque habet. Sex horis intumescens crescit, totidem decrescit. In Plenilunijs & Nouilunijs maior æstus contingit.

CXXVII. Æstus maris quotidie quatuor horarū Quintis quouis loco seriùs incipit. Ex partes maris, quæ sibi diametraliter opponuntur, iacente inter vtrumque mediâ terrâ, ob reflexionē luminis simul intumescunt, decrescuntibus lateralib⁹, ita vt æstus se habeat per modū Crucis quoad fluxū & refluxū.

CXXVIII. Hi motus tam constanter Lunam & Solem sequuntur, vt à nautis & tempus & duiturnitas eorum certò prædici possint. Quod alicubi motus sit magis, alicubi minùs incitatus, prouenit ex fretorum angustijs. Sic flumina coarctata citiùs currunt.

CXXIX. Potissimi & ordinarij æstus maris pro vltimata & præcipua sua causâ habent Solem, Lunam; & reliqua Astra. Hæ luce & influentijs suis aquam excitant, ac feruere faciunt. Alias etiam dispositiones requiri non negamus; eæ tamen si solæ sint, nihil agent.

CXXX. Aliquos maris motus à variâ constitutione terræ venire, non omnino improbabile iudicamus. Cauernositas fundi; Spiritus ibidem inclusi; aliæ qualitates; ipsæ deniq; exhalationes, ab ignibus subterraneis excitatæ, multùm hac in parte præstare possunt.

CXXXI. Iris in diuersis locis alia aliâque videtur, & pro diuersitate spectatorum diuersa est. Iris ipsa est arcus in nube  
rorida



rorida & opaca, ex reflexione radiorum solis oppositi multicolor apparens oculis spectantium. Homo in altissimo monte constitutus, & solem à tergo habens bene eleuatum, integrum Iridis circulum videre posset. Tria centra Iridis, Solis & Oculi sunt in eadem linea recta.

CXXXII. Iris sequentes fugit, & fugientes sequitur. In tantum deprimitur, in quantum Sol ab horizonte eleuatur; ita vt sole vsq; ad quadagesimum quintum gradum eleuato, nulla nobis Iris supra horizontem appareat. Habitantibus sub polo Arctico & Antartico Iris ad omnes Mûdi plagas per medium annum apparere potest. Illis apparet, quando Sol est in signis Borealibus: His verò, quando est in Australibus.

CXXXIII. Nobis nulla Iris versùs Austrum, & nostris Antipodibus nulla versùs Septentrionem apparere potest. Refractio quamuis etiam in Iride intercedat, ea tamen respectu reflexionis notabilis non est, adeò vt nec rotunditatem Iridis notabiliter mutet. Colorum in Iride varietas oritur etiam ex diuersa radij visualis inclinatione, & cum locali spectatoris mutatione variatur.

CXXXIV. Si Luna, maximè quando Plena est sit propè in horizonte, & ex opposito nubes rorida & opaca, atque in medio oculus, fiet Iris Lunaris. Hæc Iris durare diu nō potest propter solis Ortum celeriores, si sit in Occidente, raro etiam vel nunquam integer eius semicirculus videri potest. In Iride Lunari non similes omnino colores ob aliquā lucis remissionem ad oculum nostrum veniunt, sicut in solari Iride contingit: pro viridi enim colore album, & reliquos remissiores ac obscuriores habet.

## IMPULSVS GRAVIVM ET LEVIVM.

CLXXXV. Impulsus, prout quævis clementa ad suos terminos connaturales trāsferat, habet rationem grauitationis &

leuitationis, & sub hac ratione illum nunc examinamus, vñ ac eius subiecta, & quasdam subiectorum affectiones. Quatuor corpora Mundum Elementarem constituunt. Ea naturali determinatione ita sibi inuicem subordinantur, vt vnum in medio infra Cœlos loco, alterum in summo, duo reliqua propè medium, & propè summū collocētur.

CXXXVI. Mediū hīc sumitur pro centro Vniuersi. Istud terra occupat, vt quæ naturā suā grauissima est, longissimè per descensum à Cælo recedat. Terram Aqua ambit, & vnum cū ea globum, non geometricè sed optice sphericum efficit.

CXXXVII. Ratio Physica huius sphericitatis est, quòd partes omnes ob grauitatem suam æqualiter, quantum possunt, descendere conantur. Sic quia partes extrema æqualiter à centro ex se distant, figuram formaliter sphericam faciunt.

CXXXVIII. Globus ex terra & aqua compositus, habet idem centrum grauitatis & magnitudinis, quod cum centro Vniuersi coincidit. Centrum grauitatis est illud punctum in profundo corporis situm, à quo exeuntes lineæ in peripheriā, vndique æquiponderantes partes auferunt.

CXXXIX. Centrum magnitudinis dicitur punctum illud, in medio corporis situm, à quo procurrentes lineæ ad peripheriam sunt æquales. Hæc duo centra in aliquibus rebus non coincidunt: Globus enim secundum vnā medietatem ferreus, & secundum alteram ligneus haberet idem centrum magnitudinis, sed non grauitatis.

CXL. Aquam Aër sequitur, diuisus in tres partes seu Regiones. Prima seu infima Regio versùs terram dicitur illa, quæ calorem aliquantum adhuc notabilem, à radijs solaribus è terra reflexis causatum, recipit. Media vocatur ea, quam exhalationes & vapores occupant. Hanc dum halitus isti terrei & aquei semet ad natiuum frigus reducunt, infrigidant.

CXLI. Suprema Regio est, quæ à fine Secunda sursum  
vsque



usque ad ignem protenditur. Calidissima est tum propter ignem, tum ex antiperistasi frigoris in secunda Regione. Pro diuersitate temporum & locorum diuersos limites hæc Regionem fortitur. Mutatâ vnâ consequenter etiam altera & tertia mutatur.

CXLII. Post Aërem Ignis versùs concavum Lunæ ascendit. Pabulo nullo indiget ob absentiam contrariorum. Raritas eius causa est, quò minus à nobis videatur. Symbolizat cum aëre in calore & leuitate; nullo autem modo cum aqua. Aër tantum in humiditate symbolus est aquæ. Aqua quoad frigus & grauitatem cum terra symbolizat.

CXLIII. Natura cuius Elemento qualitatem motricem attribuit, quâ se se ad locum connaturalem, si vi ex eodem expelleretur, restituere possit. Terræ & Aquæ grauitatem; Igni & Aëri leuitatem dedit. Tam his quam illis sua qualitas conuenit in summo: quia corpus simplex naturâ suâ qualitates omnino simplices, & non mixtas cum contrario habet.

CXLIV. Dum Aristoteles 4. Cœli 39. ait, omnia Elementa præter Ignem, habere aliquid grauitatis; itémque omnia, præter Terram, aliquid leuitatis; non absolutè sed comparatiuè hoc voluisse intelligendus est. Respectu ignis possunt reliqua dici aliquo modo graua, quia mouentur ad medium. Respectu terræ eadem leuia dici possunt, quia tendunt à medio.

CXLV. Grauitas & Leuitas vocantur qualitates secundæ. Spectant ad secundâ speciem prædicamēti Qualitatis, vt pote potētiae naturales. Oriuntur ex formis substantialibus & Qualitatib<sup>9</sup> primis; præsuppositâ debitâ raritate & densitate.

CXLVI. Philosophus quando 8. Phys. tex. 55. densitatem & raritatem dicit esse principia grauitatis & leuitatis; non vult, quòd sint principia verè efficientia, sed tantum per modum præsuppositæ conditionis requisita.

CXLVII. Cælum densitatem & raritatem habet, nec tamen graue aut leue est: Aqua marina salâ, licet densior sit dulci,

dem necessariò mouerentur ab extrinseco, non esset ratio, cur corpus graue etiam non impulsu, sublato solum obstaculo, deorsum rueret.

CLIV. Grauiâ & Leuiâ se ipsa effectiuè mouent; habens enim naturalem proportionem ad producendum motum. Sunt causâ principalis huius motûs. Videntur qualitates hæ motrices quid esse nobilius suo motu, vt qui ad illas, ceu potentias naturales primùm consequitur, & ad substantiam Elementorum non spectat.

CLV. Certo sensu etiam dici possunt grauiâ & leuiâ à generante moueri. Sicut Vniuersum qui dat formam, etiam ea omnia, quæ huic necessariò coniunguntur dare censetur: Sic locum naturalem, & vim ad eum, si extrudatur, rursu se se conferendi, Elemento debitam dare, ad generantem spectat.

CLVI. Motûs grauium finis est, subdere se leuioribus. Finis leuium est, emergere supra grauius. Cùm fines isti deficiunt, etiam medium ad eundem, nempe motus localis deficit. Lapis in vacuo positus ex se non deorsum rueret.

CLVII. Aër supra ignem positus naturâ suâ descenderet; non item si ad Cœlum Solis V. G. deferretur. Aqua infra terram collocata vel ipsamet ascenderet, nisi à duritie terræ impediretur: Vel terra descensu suo eam ad superiorem locum protruderet.

CLVIII. Frustum Cœli in terra positum ex se non euolare, quia leuitatem sursum, determinatiuam non habet. Aquæ supercælestes probabiliter sunt diuersæ speciei à sublunariibus; ne tam alto à terris loco contra naturam corporis grauis constitutæ videantur.

CLIX. Si terræ superficies plana esse poneretur, & duo globi ad vtramque plani extremitatem statuerentur; ambo se ipsos mouerent vsq; ad medium plani punctum: Graue enim quoduis quàm minimè à centro terræ distare petit.

E

CLX. II

feriorem locum in vniuerso exigentis, grauibus & leuibus repugnat.

CLXVII. Si agere propriè propter finem plus non intoluat, quàm ad actiones quasdam, pro finis consecutione ex natura sua institutas procedere; tum motus grauium & leuium naturalis propriè propter finem, suo modo intentum, fieri, dici potest.

CLXVIII. Cognitio, quæ ad finem requiri videtur, etiam aliqualis in grauibus & leuibus reperitur. Ea non est intrinseca, sed extrinseca; nempe Naturæ Naturantis, per cuius cognitionem agentia naturalia finem suum apprehendere censentur.

CLXIX. Grauia & leuia in fine velocius mouentur quàm in principio. Quò quid altiùs cadit, eò fortiùs ferit ob maiorem impetum, qui motum velociorem supponit. Quòd leuium impulsus velocior in fine non ita aduertatur, eorum distantia & raritas in causa est.

CLXX. Ipsa præcisè grauitas hunc motum celeriores non causat; cum enim semper sit eadem, etiam eodem modo semper mouebit. Terra tantum metaphoricè seu obiectiue mouet: nec potest ea dici pondus eò magis attrahere, quò illud propius terræ appropinquat.

CLXXI. Aër solus non est sufficiens pro impetu hoc velociori cauſando. Partes anteriores aeris condensatæ potius motui corporis grauis resistere videntur. Similiter eadem partes iuxta naturalem exigentiam iterum circumquaque se se rarefaciendo, magis impetum retardabunt.

CLXXII. Causam impulsus celerioris in fine grauium & leuium potissimum in grauitatem & leuitatem secundariam referimus. Alij eam Grauitationem & Leuitationem vocant. Nos ab impulsu, quem de tertia specie prædicamenti Qualitatis esse initio diximus, non distinguimus.

CLXXIII. Inter grauitatem ac leuitatem primariam & secundariam

secundariam specifica distinctio intercedit. Primaria grauitas & leuitas sunt potentia & qualitates permanentes. Secundaria est terminus potentia, ac qualitas fluxa. Grauitatio & Leuitatio non certos terminos extrinsecos secundum se respicit, sicut grauitas & leuitas.

CLXXIV. Iste impulsus est naturalis. Prouenit à principio intrinseco, nempe ipsâ grauitate, simul & à formâ substantiali & qualitatibus primis, quæ omnia sunt factiua impetus. Principium hoc semper manet impulsui coniunctum; id quod in motu violento non est. Dum in motu naturali alia & alia partes sequet intendunt, id fit secundum grauitationem & leuitationem.

CLXXV. In trabibus ruina per aliquot annos minitantibus, alius aliûsque impulsus, gradibus prioribus semper destructis, subnascitur. Impetus ille ultra latitudinem octo graduum non intenditur. Ruina, quæ demum in tali trabe contingit, non gradibus olim productis, sed impulsui proximè subnascenti adscribenda est.

CLXXVI. Grauia in loco naturali non grauitant; & leuia ibidem non leuuant. Grauitatio & leuitatio est conatus quidam actualis ad locum suum debitum; qui si iam habetur, etiam motus tanquam medium ad eum consequendum non dabitur. Omnes terræ partes, etiam extimæ, sunt in naturali suo loco nec altera alteram extrudere conatur.

CLXXVII. Nixus, quo Elementum quoduis suum locum naturalem conseruare dicitur, non est quid à forma substantiali & qualitate illius motrice distinctum. Si in grauib; nixus ille pro grauitatione sumeretur, non esset ratio, cur haustum aquæ per puteum sine molestia infra aquam traheretur.

CLXXVIII. Quod lapis quandoque in terra subsidat, id referendum est in aërem & exhalationes terræ commixtas. Quando Philosophus grauitationem in loco naturali concedere

dere videtur, intelligendus est de Elementis, pro ut nunc plerumque impura in suis locis connaturalibus existunt.

CLXXIX. Graua in aqua minus grauitant. *Æs*, cuius moles aquæ vnus vnciæ æqualis est, vnâ vnciâ leuius est in aqua. *Libra* auri & ferri in aëre æquiponderant, in aqua aurum est grauius seu potius grauitantius. Maior grauitas comperit aquæ, quàm cuius metallo.

CLXXX. In ponderatione æquali & inæquali non tam grauitatis primariæ, quàm secundariæ ratio habetur. Grauitatio in re densiori intensior esse potest. Quod in bilance ponderatum ascendit, absolutè leuius; quod descendit grauius dicitur; quantumuis ex se illud grauitatem maiorem habeat.

CLXXXI. Globus æneus aquæ immisus mergitur; si in scaphæ formam malleo ducatur, non mergitur. Posteriori modo scapha vnâ cum aëre incluso magnam molem constituit; cui aquæ moles æqualis tantum de grauitate seu potius grauitatione scaphæ demit, quanta grauitas in ipsa illa mole aquæ reperitur. Eadem scapha plus minúsue illapsâ aquâ mergitur, quò grauitati aquæ in æquali cum scapha mole plus minúsue deccedit.

CLXXXII. Grauitatio aquæ in scapham irruentis non est causa eiusdem mersionis, cum aqua sit in loco naturali; sed scaphæ moles in tantum imminuitur, in quantum aër per intronissam aquam expellitur: atque sic scapha si sola sumatur, grauior est aquâ æqualis molis, & immergitur.

CLXXXIII. Lamella vitrea, quæ sola mergebatur, imposito cauo cylindro vitreo non ampliùs mergitur: aquæ enim molis ex lamina & tali cylindro conflata æqualis, quia multum grauis est, etiam multum de grauitate huius oneris demit, imò tantum ut ampliùs mergi non possit: vniuersim enim ista in humido sunt tantò leuiora, quantò est grauitas maior humiditatis, qualem cum huiusmodi oneribus molem habentis.



**CLXXXIV.** Aquæ densitas; figura eius globosa; Resistētia, etiam ex rarefactione aquæ orta; corporis item mergendi figura; siccitas; porositas; & alia similia descensum grauium in aqua aliquo modo morari possunt: non tamen exacta & vniuersalis retardati sub aquam descensus ratio in illa referri potest.

**CLXXXV.** Sufficiens physica causa istius inæqualis ponderationis & descensus dari non potest alia, quàm vt demum naturæ humidorum solidorumque inter se, ita grauitationem & conatum suum descendendi attemperantium, illud adscribamus.

**CLXXXVI.** Terra & aqua vbi calore Astrorum, aut igniū etiam subterraneorū calefiunt, inductâ in partes illarum raritate & leuitate sursum instar fumi euolant. Quod è terra ita sursum fertur, Exhalatio dicitur; quod verò ex aqua, Vapor vocatur. Hi duo halitus, si strictè loquendum sit & propriè; tam quoad substantiam, quàm ipsos effectus differunt; quandoque tamen promiscuè sumuntur.

**CLXXXVII.** Varia Meteora ex vaporibus & exhalationibus oriuntur. Ex mente Aristotelis Cometæ, quos vocat ille purè terreos, sunt mera exhalatio viscosior. Aliorum, qui partim sint cælestes, partim terrei, caudam dicit esse exhalationem, caput verò stellam aliquam, ad quam cauda in aëre existens per sympathiam quandam feratur. Tertiij generis Cometæ sunt merè cælestes, quorum caput ex stellis collectis, cauda ex splendore, per congeriem illarum stellarum à Sole sparso, constituitur.

**CLXXXVIII.** Ex varia splendoris modificatione fit, vt Cometæ alij caudati; alij barbati; alij criniti appareant. Flammæ, quæ quandoque quasi stellulæ in magnis tempestatibus velo antennisq; insident, ex vinctuoso & pingui terræ halitu fiunt, qui cum nocturno frigore luctans accenditur. Si flammata;

ma talis unica sit, Helena; si duplex, Castor & Pollux vocari solet.

CLXXXIX. Fulmen est exhalatio ignita, è nubibus, & & subinde ex montibus, magno impetu excussa. Si exhalatio illa sit viscosior, magnòque calore incensa, in lapidem tantquam in furno excoquitur. Hic lapis variæ est figuræ, & fulminis Cuneus appellatur. Motus fulminis irregularis est: dum nubes deorsum, & leuitas sursum cogit, mixtus ex utroque, motus in obliquum defert; & facilius altiora quàm depressa ferit.

CXC. Fulmen aliud vocatur Vrens, quod ob halitum suum terrenum & viscosum omnia, quæ ferit, adurit. Aliud Infuscans seu Fuliginosum, quod ob suam raritatem citius à re penetrata recedit, quàm adurere possit; eam tamen instar fumi denigrat. Aliud denique Scindens seu Torpidum, quod tantæ puritatis est, ut angustissimos poros penetret, & rem propter materiæ pertinacitatem dissipet.

CXCI. Quandoque fulmine gladius in Vagina reconditus, eâ illæsâ, dissicitur. Quandoque dolium rumpitur, vino non diffuente, sed per inductam crustam consistente. Quandoque vicissim vinum corrumpitur, non dirupto dolio; si hoc nimirum laxiores poros habeat, quos fulmen inconcussos transire possit.

CXCII. Tonitru est fragor in nubibus, appulsâ lateribus exhalatione editus. Rumpit nubem eâ parte, quâ rarior & minùs fortis est; subinde etiam sursum erumpit. Nubes tonitru armatæ aliæ alijs periculosiores sunt. Albicantes sunt ex magna Vaporum copia & tenui exhalatione. Nigricantes spissitudinem nubis; ex nigro rubescentes maiorem exhalationis ignitionem; denique ex nigro rubeoque virescentes præter vapores ignemque exhalationis virore suo aquam copiosam indicant.

CXCIII. Nu-



**CXCIII.** Nubes est Vapor spissus & humidus, ab aqua vel terra humida sursum eleuatus, & in media Regione aeris frigore modicè densatus. Si frigus aliquanto maius accedat, resoluitur in pluuiam. Guttatim plerumque decidunt pluuiæ, quia non tota nubes simul in aquam vertitur, & allisione ad aërem aquæ dissipatur. Quò nubes à nobis est remotior, tantò minores; quò vicinior, tantò maiores guttæ cadunt.

**CXCIV.** Pluuiæ inter cadendum vel ab extrinseco mediæ Regionis frigore, vel ab intrinseco ob circumfistentem primæ Regionis calorem congelata, in grandinem vertitur. Nix immediatè fit ex nube, quæ frigore vehementiori in partes minutatim sectas, extensas tamen, & instar lanæ carminatas constringitur. Nubes illa ex vapore humido & aëreo conflata, cum sicco terrestri permixta est.

**CXCV.** Nix alba est, quia multum aeris frigorisque admixtum habet. Molliore est pruina ob defectum maioris siccitatis, quam in pruina maior exhalationum copia causat. Inter varias, quas habet, figuras, non rarò sexangula est. Causam huius rei in illud fundamentum referre placet; quod scilicet vna sphaera non pluribus quam sex eiusdè magnitudinis sphaeris circumdari possit: atque ita in stellulam sex cuspidum formantur niues, idque modo sequenti.

**CXCVI.** Dum Particulæ niuium molliores in motu per aërem aliquantùm liquefcunt, globosam figuram imperfectè tamen participant, &, quantum possunt, sibi cohererent, vel saltem contiguæ manent. Sic sex guttulæ sphaerularum instar vnam circumstando, vel per antiperistasin, vel à frigore intrinseco constringuntur. In medio constrictio maior est, reliquis partibus quò magis à centro recedunt, minùs minùsq; constrictis, ac inter cadendum magis ab aëre consumptis, ita vt in cuspidem abeant.

**CLXXXVII. Ex**

**CXCVII.** Exhalationes infra terram conclusæ, dum exitum, quem luctantur non acquirunt, terræ motum causant. Nonnunquam maximi venti terræ motus consequuntur. Ventus est multa exhalatio subtilis, calida, sicca, impetuosè & lateraliter per aërem ad magnam distantiam mota. Plures & principales venti à Meridie & Septentrione spirant. Post pluias copiosas, ventus est copiosior cadentibus autem imbribus quiescunt venti. Venti à Septentrione vndecim, totidem à Meridie; quinque ab Ortum, totidem ab Occasu numerantur.

**CXCVIII.** Venti communiter Oriente vel Occidente Sole spirant; in Autumno tamen & Vere magis, quàm in Hieme aut Æstate. Sol enim oriens ex humectata, nocte, terræ exhalationes attrahit; hæ verò Sole Occidente nec dum extinctæ ventos excitant. Terra in Autumno & Vere magis fumat, quod in Hieme potius frigore contractis; aut in Æstate terræ exsiccata, vel nimio solis ardore fumos statim consumente facere nequit.

**CXCIX.** Ventus eà mouetur, quâ minorem habet resistantiam: hinc exhalatio orta quocunque loco, potest dici vel Boreas vel Auster, prout ad Septentrionem vel Meridiem erumpit. Venti singuli feruntur in contrarium. Auster in Septentrionem vergit, quia exhalatio in locis Meridionalibus ob maiorem pluuiarum copiam ijs temporibus, quibus Auster maximè spirare solet, nempe Autumno, Hieme & Vere, maiorem resistantiam habet. Boreas vicissim versùs Meridiem tendit, ut qui eò loci ob aëris caliditatem minorem resistantiam inueniat, quàm ad polum Arcticum, vbi frigore tum ipsius poli, tum secundæ Regionis amplioris nimis condensatur.

**CC.** Fauonius ab Occasu ad Ortum fertur; quia Orientaliores partes aëris transitu Solis rarefactæ, minus resistunt

**F** quàm



*Disputatio hæc philosophica de triplici impulsu; in tres quasi cohortes diuisa cùm Fidei Orthodoxa nihil ex aduerso, vel quod bonis moribus obsit, in se complectatur, iure suo publicam sibi vendicat lucem, & rectissimè Examini proponitur.*

IOANNES FORNERVS SS: Theol. D.  
Professor, & pro tempore Theologix Decanus.



*Cùm præsens Dissertatio de triplici impulsu doctè res varias, incundas, & difficiles proponat; lucem meretur & publicam discussionem.*

PETRVS HILDEBRANDT Societ:  
IESV, SS. Lingux & Mathematicos Prof. Ord. & pro tempore Decanus.

.....

.....  
.....  
.....  
.....  
.....

.....  
.....

.....  
.....  
.....  
.....

